



## Acta da Comisión Delegada

6 de abril de 2020

**Lugar:** Reunión por medios telemáticos

**Hora:** 20:00 horas

Orde do día:

1. Información da situación federativa debida ao COVID-19 e medidas adoptadas.
2. Novo aprazamento da Asemblea Xeral ao non verse garantida a seguridade dos asembleístas.
3. Revisión situación de probas, cancelacións e posibilidades de reestruturación de calendarios.
4. Rogos e preguntas

Asistentes:

Presidente-Gonzalo Mario Triunfo Delgado

Secretaría Xeral- Mónica Flores Ferreiro

---

Triatlón Ferrol (Asiste con delegación do presidente Jaime Ruiz del Ganso)

Triatlón Santiago (Asiste con delegación do presidente José Ramón González)

Patricio Cruz Farías

Enrique Hernández (T. Rias Baixas)

Amando Guerrero (AD Náutico de Narón)

José Riveiro (Artrogal Tri-498)

---

### ***Desenvolvemento da sesión e Acordos Adoptados***

Comeza a sesión ás 20:05 h.

#### **1.- Información da situación federativa debida ao COVID-19 e medidas adoptadas.**

O presidente expón a situación na que nos atopamos e as últimas medidas adoptadas co acollemento á aplicación de ERTE parcial para salvagardar o que poida vir de aquí ao fin da tempada. Informa así mesmo da xuntanza coa Secretaría Xeral para o Deporte, no día de hoxe, onde se expuxo a situación de cada federación, especialmente en relación aos grupos no CGTD. A situación é complexa e semellante para todas de cara á estabilidade no futuro polo que outras federacións, como a de Atletismo, tamén aplicaron ERTE parcial. En canto as subvencións e convenios, polo momento non se estableceron cambios, pedíronnos as partes executadas dos mesmos de cara a avaliar a situación e haberá partidas que sexa imposible executar.

#### **2.- Aprazamento da Asemblea Xeral**

Dado que a situación de confinamento polo momento continúa ata o 26 de abril e non hai seguridade de cando se levantarán as restricións e en que condicións e tendo en conta ademais que todos os prazos administrativos están en suspenso; acórdase suspender provisionalmente a Asemblea Xeral, xa cambiada de data ao 22 de abril. A nova data establecerase e comunicarase unha nova convocatoria cando a situación se resolva para poder programar a celebración da mesma con garantías.

#### **3.- Cancelación e situación actual de probas. Cancelacións e posibilidades de reestruturación de calendarios.**

Infórmase dos contactos mantidos con organizadores das probas de maio, a previsión é de varias cancelacións por non ser viable a súa celebración durante o verán e outras que están estudando posibilidade de facelas en outubro no caso de que a situación se estabilice e o mar así o poida garantir, incluso posibilitando o intercambio de sedes. En todo caso conclúese que polo momento e ata que a situación se vaia aclarando non ten sentido planear novos calendarios.

Infórmase da solicitude do Northwest Triaman de cambiar e datar a proba para o 4 de outubro, o cal se aproba ao considerar que é unha proba que precisa dar respostas canto antes e que en realidade pode convivir con calquera outra.

Exposta a situación actual e as previsións que van chegando dende os distintos ámbitos administrativos conclúese que como mínimo ata xuño, xullo será difícil executar competicións deportivas. Acórdase suspender polo momento e a expensas da evolución o calendario de abril e maio.

A Comisión Delegada reunirse de novo a finais de abril de cara a avaliar a evolución e seguir tomando decisións se fose necesario.

Non habendo rogos e preguntas levántase a sesión ás 20:40 h.

Asdo.- A Secretaria Xeral  
Mónica Flores Ferreiro

VºBº

**FEGATRIU**  
FEDERACIÓN GALEGA DE TRIATLÓN  
E PENTATLÓN MODERNO

Rúa Castelao 21, ent. 2  
27001 Lugo | 982 261 345  
N.I.F.: V36706932

Asido presidente  
Gonzalo Triunfo Delgado.